

Broj: 01/1\_\_\_\_\_/19  
Kakanj, \_\_. \_\_. 2019. godine

Na osnovu člana 21. Odluke o komunalnim djelatnostima zajedničke komunalne potrošnje („Sl.novine općine Kakanj“, br. 6/09 i 11/13), člana 24. Statuta Općine Kakanj („Sl.novine općine Kakanj“, broj 4/08) i člana \_\_\_\_\_. Odluke o izvršavanju budžeta Općine Kakanj za 2019.godinu („Sl.novine općine Kakanj“, broj \_\_\_\_), Općinsko vijeće Kakanj na \_\_. sjednici održanoj \_\_\_\_\_. 2019. godine usvojilo je

## PROGRAM

### Utroška sredstava od komunalne naknade za 2019. godinu

#### I

Planirana sredstva Budžetom Općine Kakanj za 2019. godinu po Programu utroška sredstava komunalne naknade u iznosu od **2.378.200,00 KM**, raspoređuju se po slijedećim namjenama:

Red.br.	Naziv projekta	Planirano (KM)
<b>1.</b>	<b>Održavanje i modernizacija javne rasvjete</b>	<b>735.000,00</b>
1.1.	Utrošak električne energije javne rasvjete u gradu i mjesnim zajednicama	605.000,00
1.2.	Održavanje i rekonstrukcija javne rasvjete na području općine Kakanj	130.000,00
<b>2.</b>	<b>Zimsko održavanje prohodnosti na saobraćajnicama</b>	<b>210.000,00</b>
<b>3.</b>	<b>Rekonstrukcija i proširenje Male ulice prema pijaci</b>	<b>27.250,00</b>
<b>4.</b>	<b>Obilježavanje naseljenih mjesta, ulica, trgova i označavanje zgrada brojevima</b>	<b>72.350,00</b>
<b>5.</b>	<b>Održavanje javnih saobraćajnih površina</b>	<b>62.000,00</b>
5.1.	Izrada horizontalne signalizacije u gradu	12.000,00
5.2.	Izrada i postavljanje vertikalne saobraćajne signalizacije u gradu i mjesnim zajednicama	15.000,00
5.3.	Postavljanje i skidanje montažno-demontažnih usporivača brzine na saobraćajnicama	10.000,00
5.4.	Rekonstrukcija stepeništa, ograda, rukohvata i drugi nepredviđeni radovi	25.000,00
<b>6.</b>	<b>Izrada projektne dokumentacije za most na rijeci Bosni i podvožnjak u Modrinju</b>	<b>35.000,00</b>

<b>7.</b>	<b>Obaveze prema izvođaču radova na rekonstrukciji glavne gradske saobraćajnice</b>	<b>400.000,00</b>
<b>8.</b>	<b>Dekoracija općine</b>	<b>13.000,00</b>
8.1.	Postavljanje transparentata i zastava za državne, međunarodne i vjerske praznike i ukrašavanje područja općine	10.000,00
8.2.	Nabavka novih transparentata , zastava i ukrasa	3.000,00
<b>9.</b>	<b>Održavanje spomen obilježja</b>	<b>7.500,00</b>
<b>10.</b>	<b>Održavanje postojeće urbane opreme u gradu i nabavka nove</b>	<b>45.000,00</b>
10.1.	Održavanje postojeće urbane opreme	35.000,00
10.2.	Nabavka urbane opreme	10.000,00
<b>11.</b>	<b>Izgradnja parkinga i dječijeg igrališta iza zgrade Veterinarske stanice</b>	<b>40.900,00</b>
<b>12.</b>	<b>Uređenje pristupnog puta sportskoj dvorani</b>	<b>30.000,00</b>
<b>13.</b>	<b>Odvodnja oborinske kanalizacije u ulici Rudarska</b>	<b>25.000,00</b>
<b>14.</b>	<b>Izgradnja potpornog zida i parkinga ispred zgrade K15 u ulici A.Izetbegovića</b>	<b>27.000,00</b>
<b>15.</b>	<b>Dio troškova (plate, materijalni trškovi i usluge) Zavoda</b>	<b>648.200,00</b>
<b>UKUPNI IZDACI IZ KOMUNALNE NAKNADE:</b>		<b>2.378.200,00</b>

## II

Realizacija navedenih projekata vršiće se na osnovu validne tehničke dokumentacije i provedene procedure po Zakonu o javnim nabavkama ("Sl.glasnik BiH" br.39/14) i po Zakonu o komunalnim djelatnostima ZDK ("Sl. novine Ze-do kantona" br. 17/08).

## III

Za realizaciju projekata po ovom Programu, zadužuje se Zavod za planiranje i izgradnju općine Kakanj.

## IV

Ukoliko bude spriječena implementacija neke od pozicija u Programu iz bilo kog opravdanog razloga ili se neka pozicija ne implementira u skladu sa planiranim sredstvima Zavod može sredstva preusmjeriti na drugu poziciju gdje se ukaže potreba, ali u okviru istog Programa.

## V

O realizaciji utroška sredstava po ovom Programu, Zavod za planiranje i izgradnju općine Kakanj je obavezan podnijeti izvještaj Općinskom vijeću

## VI

Ovaj program stupa na snagu danom donošenja, a naknadno će se objaviti u "Službenim novinama Općine Kakanj"

PRESJEDAVAJUĆI OPĆINSKOG VIJEĆA

---

## OBRAZLOŽENJE

Sredstva planirana Programom utroška sredstava komunalne naknade za 2019. godinu koristila bi se po stavkama za slijedeće programe:

### **1.Održavanje i modernizacija javne rasvjete - 735.000,00 KM**

1.1.Utrošak el. energije javne rasvjete u gradu i mjesnim zajednicama - 605.000 ,00 KM  
Nakon provedene procedure javne nabavke, potpisan je Ugovor o nabavci i isporuci električne energije za potrebe javne rasvjete, semafora i fontana na području općine Kakanj u 2019.godini, sa Javnim Preduzećem Elektroprivreda BiH d.d. Sarajevo. Tehnička specifikacija u postupku javne nabavke je provedena na osnovu potrošnje el.energije ( količine izražene u KWh ) iz prethodne godine i planiranog širenja mreže javnih rasvjeta.

1.2.Održavanje i rek. postojeće javne rasvjete u gradu i MZ-a - 130.000,00 KM

Ovi radovi se odnose na redovno održavanje javne rasvjete u ispravnom stanju, a to su radovi na zamjeni sijalica, zamjeni dotrajalih rasvjetnih tjela i ugradnji potrebnih spojeva i kablova. Takođe, u okviru ove stavke se vrše radovi koji se odnose proširenje mreže i udio u radovima na uspostavi nove mreže, gdje je to tehnički izvodivo.

### **2.Zimsko održavanje prohodnosti na saobraćajnicama - 210.000,00 KM**

Planiranim iznosom obuhvaćen je dio zimskog održavanja na području općine Kakanj koji se u skladu sa Zakonom o komunalnim djelatnostima ZDK dodjeljuje JP „Vodokom“ d.o.o. Kakanj.

Zimsko održavanje podrazumijeva održavanje u prohodnom stanju gradskih saobraćajnica i ostalih

javnih površina u gradu (trotoari, parking prostori, platoi, stepeništa, prilazi školama itd...).

U periodu od 15.11. do 15.03. (121) dan, održavati će se slijedeće saobraćajnice:

#### **a. gradske saobraćajnice, parkinzi i trotoari**

- Ul.Alije Izetbegovića, ul. Branilaca, ul.7.muslimanske brigade, ul.Rudarska, ul. Mehmeda Skopljaka, ul. Zeničkog partizanskog odreda, Ul. Šehida, ul.Melente Bošnjaka, 4.juli
- transversale sa mostovima između ul. Alije Izetbegovića i ul.Branilaca,
- parkinzi ispred i iza zgrade bivše Općine i objekta " Bingo" plato ispred zgrade P+4+M , prilazi oko lamela i iza zgrade bivše gradske apoteke, plato tržnice i banke,
- novoizgrađene saobraćajnice u ul. Branilaca i ul. Alije Izetbegovića.
- Mala ulica i gradsko šetalište , prilazi iza zgrada u Maloj ulici, parkinzi oko S-1, S-2 i S-3, -prilaz zgradi javnih preduzeća, prilazi oko sportsko - kulturnog centra, parking iza direkcije RMU.
- Plato ispred zgrada P+2, P+3 i P+4, ul. Osmana Đafića, Stadionska i parking zanatskog centra, ul. Stjepana Kovačevića, ul.Rudi Čajavec, lamele kod bivše Kule, ul. 309.brdske brigade, ul.Omera Maslića, V Divizije NOP-a, Podvarda, potez- Egipat-Moca-Elita,
- ul.Vehbije Kulovića, ul.8.april, ul. Željeznička, ul.Vatrogasna
- ul.Ivo Lola Ribar, parking kod zgrade „Ara“ , ul. Paše Kubata , ul.Rudi Mali.
- Ul. 1.maj, naselja Bare i Plandište, naselje kod Tvornice cementa, naselja Pope i Varda, ul. Bratstva i jedinstva, ul.Patriotske lige.
- Ul. Almira Hasagića, Vinski put , 29.novembar i 25.novembar, naselje Povezice, naselje Termoelektrane, ulice u naselju Čatići i ulice u Kraljevoj Sutjesci.

-Trotoari , stepeništa i biciklistička staza

#### **b.prigradske saobraćajnice**

- Kakanj – Brnj (Greben-Brnj)
- Kakanj-Koprivnica-D.Banjevac
- Deponija Turbići - Gora
- Deponija Turbići- Poljice
- Kakanj-Alagići-Čizmići-Crnač-Kalfići
- Kakanj-Bičer
- Hrasnice
- Aliefendići
- Brus
- Zgošća
- Rudi Mali- Vrbica

### **3.Rekonstrukcija i proširenje Male ulice prema pijaci - 27.250,00 KM**

Nakon rekonstrukcije objekta „Hotel Kakanj“ i rekonstrukcija glavne gradske saobraćajnice, stekli su se uslovi za realizaciju rekonstrukcije Male ulice prema pijaci. Za ove radove potpisan je ugovor u 2016. godini sa preduzećem "Trgošped" d.o.o.Kakanj. Rekonstrukcija podrazumijeva proširenje saobraćajnice, izgradnju trotoara, izmjenu gornjeg nosivog sloja, te asfaltiranje površina.

### **4.Obilježavanje nas. mjesta, ulica, trgova i označavanje zgrada br. - 72.350,00 KM**

U skladu sa O D L U K O M o obilježavanju naseljenih mjesta, ulica, trgova, mostova i označavanju zgrada brojevima ( „Sl. Novine Općine Kakanj“ broj: 05/16 od 05.04.2016. godine) pristupilo se implementaciji projekta.

Provedena je procedura javne nabavke i potpisan je Okvirni sporazum u trajanju od tri godine ( 2017, 2018. i 2019. godina) sa preduzećem Pismorad d.d. Zagreb, za realizaciju projekta obilježavanje naseljenih mjesta, ulica i kućnih brojeva na području općine Kakanj. Tokom 2018. godine implementiran je ugovor iz 2017. i djelimično ugovor iz 2018.godine.

U toku 2019. godine planira se i implementacija preostalih sredstava po Okvirnom sporazumu čime bi se i Odluka u potpunosti realizirala.

### **5. Održavanje javnih saobraćajnih površina – 62.000,00 KM**

#### **5.1.Izrada horizontalne signalizacije u gradu - 12.000,00 KM**

Horizontalna signalizacija podrazumijeva kvalitetno horizontalno obilježavanje na saobraćajnicama, parkinzima, bus i taxi stajalištima, na način što se iscrtavaju pune i isprekidane linije, ostrva, strelice, pješački prelazi, a sve u cilju bezbjednog odvijanja saobraćaja. Obzirom da je na glavnoj saobraćajnici sva signalizacija urađena kvalitetno i treba da traje par godina, obilježavanje će se raditi više na prigradskim i sporednim ulicama u gradu.

Okvirni sporazum za 2018, 2019. i 2020. godinu je sklopljen sa društvom " **Sacom**"d.o.o. **Sarajevo**. Prema planiranim sredstvima u Programu, zaključit će se godišnji Ugovor.

#### **5.2. Izrada i postavljanje vertikalne saobraćajne signalizacije u gradu i mjesnim zajednicama - 15.000,00 KM**

Vertikalnu saobraćajnu signalizacija na postojećim saobraćajnicama potrebno je nadopunjavati, postavljati nove znakove vršiti izmjenu oštećenih i zastarjelih saobraćajnih znakova.

Takođe izmjena režima saobraćaja, zaustavljanje saobraćaja, usklađivanje saobraćaja iziskuju postavljanje nove i privremene saobraćajne signalizacije.

Nastaviće se i dalje sa ugradnjom saobraćajnih oznaka kako bi se poboljšala sigurnost učesnika u saobraćaju, naročito pješaka i učenika u blizini školskih objekata.

### 5.3. Postavljanje i skidanje montažno-demontažnih usporivača brzine na saobraćajnicama - 10.000,00KM

Kako bi se prilagodila brzina vožnje na gradskim saobraćajnicama, posebno u blizini pješačkih prelaza i frekventnih lokaliteta, postavljaju se montažne ležeće prepreke. I dalje će se vršiti montaža gumenih prepreka na saobraćajnicama i to na kritičnim mjestima i u blizini školskih objekata.

Montažni usporivači brzine se skidaju u toku zimske sezone i ponovno postavljaju u proljeće. Vršenje usluga montaže i demontaže usporivača brzine biće povjeren preduzeću J.P. Vodokom.

### 5.4. Rekonstrukcija stepeništa, ograda, rukohvata i drugi nepredviđeni radovi- 25.000,00 KM

Ovom pozicijom predviđaju se radovi na rekonstrukciji ili sanaciji manjih oštećenja na trotoarima, stazama i stepeništima. Na mjestima gdje se ukaže potreba pristupit će se izgradnji novih stepenica i pješačkih staza, te ugradnji rampi za osobe sa posebnim potrebama.

Zbog dotrajalosti sigurnosnih ograda i rukohvata potrebno je postavljati nove ograde kao što je urađeno u glavnoj ulici, ili sanirati postojeće.

Takođe će se obratiti pažnja na sanaciju obrušenih i opasnih manjih potpornih zidova a sve radi sigurnosti građana.

## **6. Izrada projektne dokumentacije za most na rijeci Bosni i podvožnjak u Modrinju - 35.000,00 KM**

I ranijih godina su na zahtjev Mjesne zajednice bila planirana sredstva za izradu glavnog projekta mosta na rijeci Bosni ali do implementacije nije došlo jer se dugo čekalo na mišljenje JP „Željeznice BiH“. Tek u februaru 2019. godine Mjesna zajednica je dobila odgovor od Željeznica BiH odnosno prethodnu saglasnost u kojoj JP „Željeznice BiH“ navode pod kojim uslovima se može dobiti njihova saglasnost za projektovanje i izgradnju lokalne saobraćajnice sa mostom i podvožnjakom ispod željezničkog kolosijeka. Svi ti uslovi, koji se moraju ispoštovati, znatno poskupljuju i izradu projektne dokumentacije a i samu investiciju. Bez obzira na to, sam most nema nikakvu funkciju ako ga od naseljenog mjesta dijeli željeznička pruga.

S druge strane, obzirom da je u posljednjim poplavama potpuno urušen pješački most u Modrinju, aktivnosti oko izrade projektne dokumentacije i potrebnih saglasnosti i odobrenja za novi most se moraju pokrenuti već ove godine.

## **7. Obaveze prema izvođaču za radove na rekonstrukciji glavne gradske saobraćajnice - 400.000,00 KM**

Neisplaćene obaveze odnose se na izvedene radove na rekonstrukciji glavne gradske saobraćajnice prema izvođaču radova „Trgošped“ d.o.o. Kakanj. U ugovoru o izvođenju radova definisano je da se **dio** sredstava od ugovorene vrijednosti plaća iz Budžeta općine za 2018. godinu a ostatak ugovorenih sredstava plaća se **sa odgodom**, nakon usvajanja Budžeta

za 2019. godinu. Dio tih sredstava planiran je Programom utroška sredstava od komunalne naknade.

## **8. Dekoracija općine - 13.000,00 KM**

7.1. Postavljanje transparenata i zastava za državne, međunarodne i vjerske praznike i ukrašavanje područja općine - 10.000,00KM

Uoči praznika i prilikom drugih manifestacija na području općine postavljaju se adekvatni transparenti, zastave, natpisi i druga obilježja, na istaknutim mjestima. Takođe se vrši ukrašavanje grada uoči novogodišnjih praznika. Nakon skidanja transparenata vrši se pranje istih i popravka oštećenih.

7.2. Nabavka novih transparenata , zastava i ukrasa - 3.000,00 KM

Nepovoljni vremenski uvjeti uzrokuju i dotrajalost zastava , transparenata i dr.

Povremeno je potrebno je vršiti nabavku novih transparenata i zastava, štapova, konopa i dr.. Zbog otuđenja i dotrajalosti novogodišnjih ukrasa neophodno je vršiti nabavku novih.

## **9. Održavanje spomen obilježja - 7.500,00 KM**

Redovno se vrši čišćenje , pobiranje otpadaka , metenje, prilaznih staza i ograda u gradskom parku i oko spomen obilježja. Naročito prilikom manifestacija i dana obilježavanja pomena poginulim borcima, vrši se detaljno čišćenje i pranje, postavljanje zastava na jarbole i uređenje zelenila kako u gradskom parku tako i na spomenicima u Poljanima, Semizovcu i dr.

## **10.Održavanje postojeće urbane opreme u gradu i nabavka nove - 45.000,00KM**

10.1.Održavanje postojeće urbane opreme -35.000,00 KM

U ovu poziciju spada redovno održavanje postojećih sportskih poligona i dječijih igrališta. Vrše se reparacija oštećenih koševa, ograda, naprava za igru djece, klupi, korpica za otpatke. Naprave za igru djece demontiraju se u zimskom periodu, a potom ponovno postavljaju u proljeće.Nakon zimske sezone potrebno je reparirati oštećene parkovske klupe, mjenjati oštećene drvene dijelove i vršiti zaštitno farbanje.

10.2 Nabavka urbane opreme - 10.000,00 KM

U okviru projekta rekonstrukcije glavne gradske saobraćajnice obnovljen je dječiji mobilijar i klupe na maloj cesti a postojeći mobilijar i klupe su raspoređeni na drugim mjestima po gradu. U okviru planiranih sredstava potrebno izvršiti nabavku još parkovskih klupa koje će biti postavljene na ostalim mjestima u gradu.

Postavljaju se nove saobraćajne prepreke u vidu željeznih stubića i betonskih kugli, a postojeće je neophodno popravljati i farbati. Po potrebi se vrši nabavka žardinjera i druge urbane opreme.

## **11.Izgradnja parkinga i dječijeg igrališta iza zgrade Veterinarske stanice- 40.900,00 KM**

Kako bi se bar djelimično riješio problem nedostatka parking mjesta u gradu a na zahtjev građana MZ-e Kakanj I, predložena je lokacija za izgradnju parkinga u ulici Šehida , na tzv Vranića livadi a ukoliko bude sredstava izvršilo bi se i postavljanje dječijeg mobilijara i hortikulture.

## **12. Uređenje pristupnog puta sportskoj dvorani – 30.000,00 KM**

Tokom radova na izgradnji sportske dvorane u Kaknju prilično je oštećan i dijelom potpuno uništen pristupni put do srednje škole „ Kemal Kapetanović“ i nove sportske dvorane.Zbog nedostatka sredstava u fazi izgradnje dvorane, pristupni put nije ni bio dio ugovora niti

obaveza izvođača radova. Planiranim sredstvima bi se uradio novi pristupni put a takođe uredio bi se i plato između dvorane i škole.

### **13. Odvodnja oborinske kanalizacije u ulici Rudarska – 25.000,00 KM**

Tokom izvođenja radova na rekonstrukciji ulice Rudarska riješena je podužna oborinska kanalizacija na način da je kod objekta Rimapak ( preko puta nove Džamije) oborinska kanalizacija uvedena u postojeći stari zidani kanalizacioni kolektor. Obzirom da se u međuvremenu došlo do saznanja da je isti urušen ili oštećen te ga je potrebno rekonstruisati predlažemo da se uradi novi kanalizacioni kolektor odgovarajućeg kapaciteta.

Izgradnjom ovog kolektora riješio bi se dugogodišnji problem izljevanja kanalizacije u tom dijelu grada.

### **14. Izgradnja potpornog zida i parkinga ispred zgrade K15 - 27.000,00 KM**

Na zahtjev stanara etažnih vlasnika zgrade K15 u ulici Alije Izetbegovića predlaže se izgradnja potpornog zida ispod zgrade kojom bi se omogućio parking prostor i uredio sam ulaz u zgradu.

Obzirom da je parking prostora u gradu nedovoljno svaka inicijativa građana je prihvatljiva. Takođe, ovim projektom bi se riješio pristup vozila hitne pomoći i vatrogasnih vozila koji je sada skoro nemoguć.

Izgradnjom potpornog zida onemogućilo bi se slijeganje tla a riješila bi se odvodnja površinskih voda oko zgrade.

### **15. Dio troškova (plate, materijalni troškovi i usluge) - 648.200,00 KM**

Ovi troškovi odnose se na bruto plate i naknade, naknade troškova zaposlenih. Zatim na doprinose na teret poslodavca, putne troškove, izdaci za naloge prevoza i utrošak goriva, za komunikacije i komunalne usluge.

U troškove su uključeni i nabavka materijala i sitnog inventara, nabavka imovine i opreme, izdaci za tekuće održavanje, usluge platnog prometa, ugovorene i druge posebne usluge.

**OBRADIVAČ**

Zavod za planiranje i izgradnju općine Kakanj

---

**PREDLAGAČ**

Općinski načelnik

---